



宋學士集卷之八

唐弘農宋之問延清著

明梁谿曹荃元宰定

表

爲皇甫懷州讓官表

臣某言伏奉今月一日制書除臣使持節懷州諸軍事守懷州刺史成命俯臨競魂自失妨賢不遑無德而升恩屢錫而知慙祿彌高而轉懼謝中臣聞國經選士有一善而不遺天爵與能從

九徵而可試臣薄遊憲府累踐禮闈衣繡無執
簡之才起草愧含香之列移官望苑日月其除
驟駕梁園涓埃莫効剖符南峴旣恧民謠作鎮
西河未寬人隱二邦爲政撫熊軾而無功八使
廻軒同鶴鳴而有薦遂乃謬霑束帛猥賜褒揚
頓掩前瑕更延今寵山陽大郡河內名區桑竹
蔭洪水之西井田雜氓山之北將何以潤通京
邑化接神州雖勉三載之勤何補一年之借封
畿之要歷選稱難臣也胡顏敢膺斯寄伏乞再
求遺玉更網潛珠庶使賢才申共理之心聖主
得分憂之地無任叨竊之至謹詣朝堂奉表陳
讓以聞臣所讓入別狀封進

為楊許州讓右羽林將軍表

臣某言伏奉今月二日制書除臣忠武將軍守
右羽林將軍五色無主如驚葉縣之龍千秋來
歸似對遼門之鶴中謝臣聞為官擇才先辟之成

務陳力就列古人之用心臣家本關西衣冠河
曲素業將墜莫辭英靈朱輪載輝諫承恩渥未
盈一紀連刺九州西涼本六部之樞南荆乃九
州之會蒲藩關左之重鎮魏郡山東之奧區宣
城襟帶於吳郊許昌密邇於周室每恥政逾期

月乏來暮之歌候易星霜無去思之詠隼旟迴
復日黍恩榮熊軾往還多慙道路出居岳牧負
尸祿之譏入計河都待曠官之責不意天私俯
宥睿獎曲成擢之以心膂之官賜之在爪牙之
地非常之澤捧戴失圖天衛凝嚴壯軍清切風
霜劒騎頓玄武之仙闈龍馬旌旗環紫薇之帝
座掌斯嚴秘必屬親賢臣也何顏敢膺殊寵當
今鷓鴻接翼文武周身咸皆實已過名位未充
量臣內求諸已外媿妨賢若使愚臣苟安於私
懷聖授不允於清議陶鈞雖廣無路自庸其實
繇衷讓非飾跡伏乞垂收渙汗更授瓌材軍司
得人臣謂報國無任傾幸媿負之極謹詣朝堂
陳讓以聞

爲田歸道讓殿中監表

臣某言伏奉今月二十二日制除臣殿中監依舊押千騎特降鴻私超加等數足臨鯨壑未借聞寵之憂首抃鼇山豈踰承恩之重臣聞欲成大厦必寄於瓌材將適遠途理歸於駿足未有闕公輸之巧輒事揮斤無良樂之能謬令市骨臣藝術無取名檢莫聞叨承任遇遂階通顯再趨武禁誠恪未聞三入文昌涓埃莫効剖符爲郡山東無勿剪之謠握節和戎漠北有不賓之

虜而制書涵育猥錫褒揚天造曲成更延今授
臣知不可清議難容推賢讓能列聖之明範量
力審分先覺之謹言當今運屬昇平朝多俊乂
伏乞精求稱職以代不能遂愚臣繇衷之詞全
聖主至公之道授受無失臣免妨賢無任悚懼
忝竊之極謹詣朝堂奉表陳讓以聞臣所讓人
別狀封進

爲梁王武三思妃讓封表

妾言妾聞天與才多地居外戚理乖謙益患在
寵盈妾亾夫三思頗讀聖賢之書夙知止足之
分在先朝錫漢藩之社位亞上台陛下流渭陽
之思室嬪慶主常恐官高祿厚福極禍來閨門
之談顛覆存誠但以願施塵露之効尙鬱山林
之遊詎謂吳楚指有寵爲名父子以無辜同枉
良以崇高取忌退讓未形事雖噬臍言猶在耳
妾夫埋黃壤子夭青春唯知哀訴神明號泣天

地妾之殘命稱曰未亾更何心顏享茲豐厚况
三思久謀謙退人所未知實恐士庶遊談是非
相半旣未能辯明高義豈復忍貪吝餘資雖則
伯宗已亾獻誠者聞乎姦盜尙冀黔婁宿意見
知者因乎寡妻今墳土未乾總帷猶設妾所以
廢寢忘食瀝欵披誠未允前祈更陳後請伏願
俯矜賤妾遠念幽魂收彼白茅之封表其赤松
之節光陛下有任賢之德明三思無冒寵之譏
妾之區區意盡於此無任感切之至謹遣某詣

言
朝堂上表以聞再黷威嚴伏深戰越妾死罪謹

爲定王武攸暨諸降王位表

臣攸暨言臣聞力微任重無德者履之必危功
薄賞隆有識者陋其非據臣地因外戚器實中
庸顧慙蓬艾之姿謀忝葭莩之末則天大聖皇
后敦睦九族崇念六姻曲申猶子之情爰垂降
主之澤禮優築館恩洽錫珪拔自堂姪之流光
以親王之位臣常再瀝誠懇已蒙賜等諸昆今
陛下隆德嗣興鴻基紹復羣萬物而改旦宅千
齡而配永洛識河圖允叶純深之義雲行雨施

載流寬大之恩追奉先慈將覃後命外家諸子
降等猶誓於山河主第增榮在臣更超於等數
陛下雖渭陽情重沁水恩多凡是封冊王公終
亦憲章堯舜以濯龍之戚今乃方於五侯綠駟
馬之姻古未封於四履私親越禮聖人之存理
載光冒寵延災微臣之官謗斯久又以班叅禁
內秩比侍中自非德邁應璩識侔慶忌將何以
對揚顧問規獻文章况臣位以恩升寵非才進
無脛而至凡姿遙於珠玉無翼而飛睿澤借其
毛羽未貽身譴幸庇容光臣亾兄攸寧循榮增
懼以臣叨鳧繹之貴日夕魂兢負鼈抃之恩歲
時力盡屬纊之夕再受懇言憂臣愚蒙令臣退
讓倘陛下俯遂勤請照察冥心納臣揆分之言
置臣獲全之地去茲王號降以公名爰食封邑
賜改散職卽望叅朝實冀家福惟新朝典咸序
天德更逾於造化神理不責於蒲盈臣無任懇
款覩懼之至

第二表

臣聞富貴者易象謂之崇高滿盈者至人誠其
顛覆臣在非次久冒殊恩所以輟寢思危廢滄
懷懼歎歎之極載陳前表備瀝中誠之訴實非
外飾之詞而聖鑒未迴寵章仍舊戴嶽之重何
憚力疲阡原之隍日憂身墜臣中臣雖學慙
敦史而塗聽前言尸位者必會短期冒榮者難
爲長守豈有外戚尚主異姓封王男皆公侯女
食郡縣佩服五等輝耀一門湯沐山河家傳萬

戶耕夫織婦凡有幾人役彼有勞之人供臣無億之用縱蒙聖心再假其如神理不容自先后臨朝攀榮已久聖皇纂極沐澤惟新自古迄今如臣流輩苟進者速禍勇退者獲全且玉者所以強榦弱枝爲藩佐屏封必李氏無闕漢章伏乞陛下降河渚之姻感渭陽之族賜臣軀命永守蒸嘗得同昆季之流望捨郡王之號臣以日爲歲以榮爲憂希迴三舍之光允臣萬歎之請無任覲冒之至

爲東都僧等請留駕表

臣僧某等言臣伏見某日月勅以今月十九日將幸長安東都道俗不勝攀戀伏惟應天皇帝陛下重興靈命再造黎元域中懷三聖之恩天下識吾君之子關西帝宅渭北神臯思切園塋未謁長陵之樹貴爲天子不歷咸陽之宮宜應萬乘巡遊展鑄池之新慶三秦故老覩漢家之舊儀率土顛顛孰不欣躍但以先後神寢夏首方成太子仙墳秋中未畢王主陪奉更促工徒

雖力以子來而頗防農事倘于官扈輦同費太
倉之粟萬國來庭共索長安之米將何給用以
濟公私且東都有河朔之饒食江淮之利九年
之儲已積四方之賦攸均誠宜宅幸三川寬徭
八水稍登稔歲方事歸鑿以欲從人孰不幸甚
則天聖后久成佛果俯應輪王冀發無邊之巨
願光有爲之妙福經始大像年籥滋深愧緇流
之淨財念蒼生之苦力俯從群議莫遂聖情陛
下孝感傍通冲襟獨斷追成先志上合天人故
得蓮礎未施爲停風雨梅梁鬱起若有神明施
其力者萬殊莫分龍鬼捨其財者千計豈辨人
祇炭已千雲程之匪日實冀金輿近幸玉輅親
臨禮如來之大身畢先聖之遺旨然後載詣京
輔馳謁山陵卽付囑無違情禮兼極無任懇款
戀慕之至

爲文武百僚等請造神武頌碑表

臣某等聞行至公者莫先於發揮茂實垂不朽者不若於刊紀洪名伏惟應天神聖皇帝陛下
一德披圖五精乘運先天地而利用依鬼神以
制法無思不服有感必通日者變起心膂禍生
肘腋弄兵指闕敢忘下濟之恩犯門斬關遂激
上靈之憤陛下近幸玄武傍顧紫微鳳翔而梟
獍失圖龍見而鯨鯢就戮順天翊聖皇后配乾
積德從帝居尊佐莫大之英猷叅非常之妙畧

親紆寶思式頌玄猷椒掖之文久垂河漢其泉
之石已入京都伏惟陛下卑奉聖躬謙保神器
惜其國用念彼人艱有命且停含靈失望臣等
容光壽域竊位明朝不蠶而衣無禪塵露不耕
而食有負靈祇陛下寢有道之豐碑臣等享無
功之厚載亭育雖廣何所自容且天惠不可以
闕書神功不可以久寂臣等請各減所俸以勒
殊休庶同子來成之匪日無任光開垂裕之至

爲洛下諸僧請法事迎秀禪師表

僧某等言某聞任持真教先憑帝力導誘將來
遠屬能者伏見日月勅遣使迎玉泉寺僧道秀
陛下載弘佛事夢寐斯人語程指期朝夕詣闕
此僧契無生至理傳東山妙法開室巖居年過
九十形彩日茂弘益愈深兩京學徒群方信士
不遠千里同赴五閭衣鉢魚頡於草堂菴廬馬
行於竹帛雲集霧委虛往實歸隱三楚之窮林
繼一佛而揚化栖山好遠久在荆南與國有緣

宋學士集 卷八
今還豫北九曲道俗戀之如父母三河士女仰
之猶山嶽謂宜緇徒野宿法事郊迎若使輕來
赴都遐邇失望威儀俗尚道秀所忌崇敬異人
和衆之願倘得焚香以遵法王散花而入道場
則四部銜恩萬人生善無任懇款之至謹詣闕
奉表請與都城徒衆將法事往龍門迎道秀以
聞輕觸天威伏深戰赴

代于京兆請停官侍親表

臣某言臣聞審官而用者君上之明也量力而
動者人臣之義也然則審官先於責實量力在
於知止苟違斯道是必終凶臣以薄劣素空行
藝遭逢際會累忝驅馳自受京尹向逾周月上
無報國安民之効下乏推賢審已

類表作
進善之能

官謗日深由省知愧伏以去年冬末迄于今日
竊聽閭閻頗有流散在于京輦亦多攘奪臣見
枉橫爲賊所傷哀苦之中恐恥尤甚雖久令分

捕而竟未就擒臣之無能於茲可驗偷安重任
夫亦胡顏况臣同氣數人相次淪沒閨門之中
哭不絕聲應繇臣無德而祿召此殃釁與言感
慕痛骨推心又臣老母素多羸瘵近從數載頗
益沈綿臣妻先亾無人侍側飲膳衣服臣悉躬
親頃任京兆少尹中間又司帑藏雖稱要劇亦
有餘閒臣每退朝便道覲視方自公言歸早
見安否老母以數在左右都忘呻吟及臣典領
大府事繁務切雞鳴而出暮夜方歸清晝之暇

莫見親面凡所服餌或非調適心存未快

類表作悵

疾亦轉侵在臣焦灼啓處無地專力養則有妨

吏職徇公事則闕奉慈顏忠孝兩虧紀綱將廢

以天倫哀緒未平之日憂老母方寸已亂之時

雖欲自強必不勝任倘漸荒府政小紊朝經

類表

作他日噬臍固將何及或當重責已負前恩是

敢泣血祈天瀝肝請命特乞免臣所職就養私

門非惟有光孝理實亦少禪玄化龜蛇賤類上

報何階烏鳥微情反哺斯足無任懇願迫切之

先學士集 卷八
至謹詣右銀臺門奉表陳乞以聞誠惶誠恐頓
首頓首

爲長安馬明府亾母請邑號狀

臣亾母在於外戚夙忝末姻不蔭慶雲早先朝
露臣髮膚遺體是亾母所生金紫通班乃聖朝
所賜臣每服一輕妙甞一其鮮何曾不遠媿劬
勞近慚榮寵又見同列有太君拜邑命婦入朝
臣早孤偏不勝感羨母因子貴幸者何多祿不
及親臣獨含恨明年某月改葬有期私門大事
莫踰於此臣內寡材術諫忝朝恩外無愆尤夙
承母訓郡縣之號翻及臣妻哀榮之禮不霑臣

宋學士集 卷八
母臣生不侍養歿未追榮若懼不敢祈恩偷生以安厚祿儻歸泉壤何對慈顏臣死罪死罪臣準某年月日制令加一階伏乞廻臣此階追贈亾母又臣身歿之後合有鼓駕出郊在臣何顏存歿叨僭亦許臣亾母用臣威儀臣身當以遽蔭存榮歿足所祈越禮罪實干誅伏惟陛下孝理寰瀛仁及草木皇室之戚軒冕盛於前朝太后之親恩澤踰於曩日臣遇非常之主敢祈不次之恩伏乞陛下少念葭莩垂哀犬馬回臣休寵以慰營魂則今日以前報恩於亾母自茲以後盡命於聖朝無任慊懇悲慕之極謹進狀陳請以聞

奏

宋學士集卷之九

唐弘農宋之問延清著

明梁谿曹荃元宰定

書

在貴州與脩史學士吳兢書

拙自謀衛降黜炎荒杳尋魑魅之途遠在雕題
之國颶風搖木饑馳宵鳴毒瘴橫天悲鳶晝落
心憑神理實冀生還關號鬼門常憂歿別事未
瞑目豈在微身先君業粹中和才見文武志道

游藝名動京師出谷入朝事多弘益雖崇班已
去而陰德被人清議所尊何減驃騎恐耆舊咸
謝竹帛儻遺使盛烈湮沈下情感痛自昔逸群
之器曠俗之才譽雖冠於人倫祿不齊於卿士
南史之筆漏美不書東岱之魂與名俱滅故史
遷述許繇云不遇青雲之士焉足道哉惟君侯
禮樂山高文華海濶古一千歲聞聖賢之書今
五百年知作者之運山甫拾遺於中路時謂得
賢蔡邕揮翰於詞林誰其不許徃送家狀蒙啓

至公之恩希果實言深蓄自私之感下官久辭
榮擢夙慎禍胎內無負於明祇外冀申於知己
豈謂一人相毀衆口爭喧遂以虛聲乃加真罪
賴皇明昭宥腰領賜全空荷再生無階上答恃
子以松竹之操期子以金石之堅幸無雷同懸
納謗議見危不易是所望焉遠識古人之懷敢
申窮鳥之請如季布之諾乃重於黃金延陵之
許竟懸於寶劍生負食花之惠歿効結草之誠
刺血爲書萬不抒一徃年恩貸許惠爲看起居

注實錄江融別錄使不錯漏國史及高明所撰
唐史春秋等六處並乞逸遺事跡不翳聲塵代
業有光實在吾子遠佇來札以當招魂秋冬凝
寒惟動履休騰青簡時至願想窮愁白雲遙來
希訪生歿珍重珍重

歎佛文

爲太平公主五郎疾愈設齋歎佛文

至矣哉釋迦之本願也念出於大悲業成於廣
濟代俗以積迷爲用有感斯通衆生以諸病作
身至誠能愈我鎮國太平公主娥靈襲彩女曜
聯英戒環佩於中閨邑山河於外館位彌高而
跡彌下保是洪猷身日貴而心日微繇乎夙植
全其忠孝頌美於家那宜爾子孫理歸於福壽
第五子某官某才光性與慧發生知山桂含芳

而逼人階蘭吐秀而驚俗頃以寒暄稍改保攝
微乖畱臥玳瑁之牀陪待鳳凰之宇公主上祈
妙福蒙降慈恩漢賜黃金還依膝下隋珍明月
再入掌中今者上報慈恩大張名供於是披甲
第闢梵筵幢蓋乘空而下來龍象接武而爰集
迴供絕隨之國求饌香積之宮麴爲丘而蔽庭
酪爲沼而環砌龍王獻水噴車馬之埃塵大女
散花綴山林之草樹無邊之施下飽於三塗普
救之心傍寬於六起伏願以斯妙福上薦聖朝
應天皇帝長保金圖永臨璿極九族旣睦祛其
有漏之緣萬人以安不捨無生之見順天皇后
慶垂椒掖德盛蘭宮國風流洽於鵲巢坤儀光
贊於龍宸皇太子業躋聖敬本固元良諸王公
主等擢秀本枝崇榮湯沐三槐九棘庶職群僚
咸維赤縣之圖共翼青雲之紀備該空有遍燭
幽明俱超解脫之津永拔輪迴之地

祭文

祭禹廟文

維大唐景龍三年歲次甲子月日越州長史宋
之問謹以清酌之奠敢昭告于夏后之靈昔者
巨浸橫流下民交喪惟后得流星貫昴之夢受
括地治水之符底定九州弼成五服遂類上帝
乃延群公自有生靈樹之司牧天災莫踰於堯
日勤隱不越於夏時向微隨山奠川之功蒼生
爲魚至今二千九百年矣肇爲父子始生君臣

興用天之道廣分地之利者嗚呼皆后之功也
之問移班會府出佐計鄉遂得載踐遺塵遠探
名穴朝玉帛於斯地聲存而處亾畱精靈於此
山至誠而響發悲夫井家相連于今幾年當其
葬也上不通臭下不及泉棺絞葛兮墳收壤烏
耘荒兮象耕田先王爲心享是明德后之從政
忌此姦慝酌鏡水而勵清援竹箭以自直謁上
帝之休祐期下人之蘇息日之吉神之歆激楚
舞奏越吟芳俎溢醇罍深遺羞猷於魚鳥餘瀝
醉於山林忽雲搖兮鳳舉空壽堂兮陰陰

爲兗州司馬祭王子喬文

維大唐神龍二年歲次甲子月日大中大夫行
兗州都督府司馬王某謹以清酌之奠敢昭告
於仙君之靈夫惟仙君神化寥廓昔爲葉宰蒞
此郭郭謁帝乘鳧賓天控鶴玉以爲棺言降楚
鄉土自成壠人知東岡靡靡行邁邑過諸梁實
感我先顧墓增傷載馳載奔于陵于谷迺披蔓
草式敬喬木孰不懷古誰非彼昆靈胄日衰遐
心莫存逮及仙伯復茲道門小子實幸忝惟枝

孫華陽舊里緱氏新宅二君爰翔百代不易豈
無沃土永守遺跡有鳥有鳥歸來何斯或作緬
惟此地登真之基願考狹室樹茲豐碑有志未
就靈其祐之尚饗

爲宗尙書祭梁宣王文

維大唐景龍元年歲次丁未十月乙未朔四日
戊戌兵部尙書宗楚客弟將作大匠秦客等謹
以清酌庶羞之奠致祭于梁宣王之靈惟王神
岳降靈英姿濟代在周錫梁社之寵翊唐有代
邸之勲不謂業在必安而釁生非意賊臣結黨
大一作黷宸闈逆子弄兵輕一作誣懿戚密謀
一作奉主惟以國家爲心飛一作禍及門翻令父子
併命九重軫念悼舟楫之堙沈百辟興嗟愴衣

宋學士集 卷九
冠之殄悴楚客等早承輝眄夙奉娛遊姻屬謀
接於葭葦兄弟竊方於鴈序叨列五等同事兩
朝昔以高義銘心今猶德音在耳嚴慈永徃伯
季凋零友睦申於長妹成立冀於猶子而家不
悔禍俱斃仇人入私庭而痛深過王門而悲極
竹池舊賞看鴈鷺之猶歸蒿里新歌恨天人之
永逝嗚呼哀哉九原撰日萬古營魂士悲高駕
帝慟津門殞賢輔而星圻一作折非害良臣而霧昏
想平生之如此一作在庶髣髴於斯樽尚饗

爲宗尚書兄弟祭魯忠王文

維景龍二年歲次戊申月日兵部尚書楚客弟
將作大匠秦客等謹以清酌之奠敢昭告于魯
忠王之靈惟王寶構因地瑤林肅一作蔽天靈資
海岳質冠神仙德潤猶雨機清若泉不孤大造
翻推少年百身豈贖四序云變慈軫玉辰悲盈
金殿令德彌秀徽容難見悼前歲之今日共銜
酸於隙電錦鸞失偶臺鳳悲隻玳席賓空金鄉
戶圓徑不踐兮苔紫庭不遊兮草碧敢申賦於

宋學士集 卷九 九
童眇痛平生之姻戚嗚呼哀哉鴈池送夏馬埒
迎秋露白天淨雲低隴愁恨名王之淪枉悲促
運之浮休蓄哀思而成泣憑聰明而致羞小山
一平兮多桂樹故人雖在今罷蘭遊心追往兮
將絕淚橫目兮難收嗚呼哀哉尚饗

爲韋特進祭汝南王文

維大唐景龍二年歲次戊申月日某官某等謹
以清酌之奠敢昭告于汝南王之靈相門踵德
王實挺生天資溫克神與聰明人稱玉樹我嗣
金籬芝庭欲秀桂林將逐惟彼鴈堂墜茲鴻陸
魁奪精氣墳迷草木漢皇纂籙周母參功夷夏
昭洗幽明感通九魂見日一葉隨風孝極先妃
丹旒前歸慈殿諸季素旒相次楚畎啜泣秦人
下淚荆分自久棣落無餘悲炎海之下制惟一作

懷觀津之上書鳶忌南而跼水鴈慶北而隨車
嗚呼凡在枝戚銜恩極遍寵賁濯龍榮同化驚
獨傷元子冥冥無見玉宸下感金屋增悲珠亡
禍速沙崩慶逢綠車爲贈黃泉永思官舍悠止
先塋甫託齊國返葬隨原可作靈之歸來無惑
甌駱尚饗

祭杜學士文

維大唐景龍二年歲次戊申月日考功員外郎
宋之問謹以清酌之奠敬祭于故修文館學士
杜君之靈嗚呼位曰大寶才曰天爵辭一作業
備而官成名多一作聲高而命薄屈原不終於楚

相楊雄自投於漢閣代生人而豈無人違代而
咸若運鍾唐虞崇文寵儒國求至寶家獻靈珠

後俊

二字集作復

有王楊盧駱繼之以子跡

一作躍

靈

衢王也才參卿於西陝楊也終遠宰於東吳盧

則哀其栖山而臥疾駱則不能保族而全軀繇
運然也莫以福壽自衛將神忌也不得華實斯
俱惟靈昭昭度越諸子言必得俊意常通理其
含潤也若和風欲曙搖露氣于春林其秉豔也
似涼雨半晴懸日光於秋水衆轍同遵者擯落
羣心不際者探擬人也不幸而則亾名兮可大
而不歿君之栖遑自昔迷方逢時泰兮欲達聞
數竒兮自傷屬文母之丕運應才子之明啟援
掄秀於蘭畹侍遊仙於栢梁命以著作拜之爲

郎始翔駕於清列旋禦魅於炎荒遺旅鴈兮超
彭蠡作編人兮居越裳殊許靖之新適億虞翻
之舊鄉惟皇龍興再施法度拂洗溟渤騫翔雨
露通籍於八舍禁門搖筆於萬年芳樹仰赤墀
兮非遠謂白首兮方遇君病何病到此彌留藥
雖餌兮寧愈針不及兮可憂雖則妙醫莫識實
冀明神獲瘳嗚呼哀哉君之將亾其言也善余
向十旬日或再展君感斯意贈言宛轉識金石
之契密悔文章之交淺命子誠妻旣懇且辨自

予與君弱歲遊執文翰共許風露

一作相浥况

窮海今同竄復文房今並入川流遽閣隙電初

過昔乘運今如此今造冥今若何懷君疇昔

好今恨已積念君恩惠一作近惠今情倍多道之南

宅困之東粟使君孤之有餘寧我家之不足籍

籀流議喧喧薄俗名全每困於鑠金身沒誰恨

其埋玉空落長松千尺詎置生芻一束倬彼芾

公贈殷禮縟善乎雀子理感情屬相識有素見

覽增勗澄君詞賦于雲臺之上藏君齒髮於緱

山之曲緱氏山今山上雲秦城郊今郊外墳孟

冬十日今共歸君君有靈今聞不聞我咀瑤屑

君知自久坐泣焚芝遙哀畫楫闕視祖載爰遺

卮酒願歆悲誠將告良友尚饗

祭楊盈川文

維大唐某年月日西河宋之間謹以清酌脯羞
之奠敬祭于楊子之靈曰自古皆死不朽者文
北河流液西岳吐雲爰叶通氣降精于君伏道
孔門遊亦諸子精微博識黃中通理屬詞比事
宗經匠史玉璞金渾風搖雲起聞人之善若任
諸已受人之恩許人以死惟子堅剛氣凌秋霜
行不苟合言不苟忌大君有命徵子文房余亦
叨忝隨君頡頏同趨北禁并拜東堂志事俱得

形骸兩忘載勞寒暑貧病洛陽裘馬同弊老幼
均糧自君出宰南浮江海余嘗苦饑今日猶在
之子妙年香名早傳從來金馬夙昔崇賢門庭
若市翰墨如泉千載之後聞而凜然死而不忘
問余何傷傷余命薄益州零落生平之言幽顯
相託痛君不嗣匪我孤諾君有兄弟同心異體
陟岡增哀歸葬以禮旅襯飄零于洛之汀我之
懷矣感歎入冥見子之弟類子之形悼往心絕
慰存涕盈古人有言一歿一生昔子往矣追送
傾城今子來也乃知交情惟郭是戚有崔不易
來哭來祭哀文在席惟席何依冰雪四蒲家人
哀哀賓徑微斷今我傷悲情懃昔時子文子翰
我緘我持子宅子兆我營我思子有神鑒我言
不欺我有絮酒子其歆之我亦引蒲儻昭神期
魂兮歸來聞余此詞

祭王城門文

維長安二年歲次月日司禮主簿宋之間謹以
 清酌之奠敬祭於故宮尹丞太原王君之靈惟
 靈顯考抗志恬漠九辟奚顧一丘自樂行擬巢
 繇言重許郭粵我先人比德同道理闡探索詞
 源論討翰墨俱存有真有草古人之言朋友世
 親王氏兄弟既義且仁撫我則厚莫殊天倫粵
 我幼蒙哀纏岵岵急難相顧若出諸已聞過必
 箴見善斯喜盛德之後昔聞其昌之子壯年朱

先學士集 卷九
綏始光賀者在門哭者在堂慰君之兄撫君之
子郭門祖祭平生已矣問天何言閉恨泉裏鳴
呼哀哉尚饗

附錄

宋之問傳

石劉 胸

宋之問號州弘農人父令文有勇力而工書善
屬文高宗時爲左驍衛郎將東臺詳正學士之
問 知名尤善五言詩當時無能出其右者
初徵令與楊炯分直內教俄授洛州叅軍累轉
尚方監丞左奉辰內供奉易之兄弟雅愛其才
之問亦傾附焉預修三教珠英常扈從遊宴則
天幸洛陽龍門令從官賦詩左史天東方虬詩

先成則天以錦袍賜之及之問詩成則天稱其詞愈高奪虬錦袍以賞之及易之等敗左遷隴州叅軍未幾逃還匿於洛陽人張仲之家仲之與駙馬都尉王同皎等謀殺武三思之問令兄子發其事以自購及同皎等獲罪起之問爲瀉臚主簿繇是深爲義士所譏景龍中再轉考功員外郎時中宗增置修文館學士擇朝中文學之士之問與薛稷杜審言等首膺其選當時榮之及典舉引拔後進多知名者尋轉越州長史

睿宗卽位以之問嘗附張易之武三思配徙欽州先天中賜歿於徙所之問再被竄謫經途江嶺所有篇詠傳布遠近友人武平一爲之纂集成十卷傳於代世人以之問父爲三絕之問以文詞知名弟之悌有勇力之遜善書議者云各得父之一絕之悌開元中自右羽林將軍出爲益州長史劔南節度兼採訪使尋遷太原尹

宋之問傳

宋宋 祁

宋之問字延清一名少連汾州人父令文高宗時為東臺詳正學士之問偉儀貌雄于辯甫冠武后召與楊炯分直習藝館累轉尚方監丞左奉宸內供奉武后游洛南龍門詔從臣賦詩左史東方蚪詩先成后賜錦袍之問俄頃獻后覽之嗟賞更奪袍以賜于時張易之等烝昵寵甚之問與閻朝隱沈佺期劉允濟傾心媚附易之所賦諸篇盡之問朝隱所為至為易之奉溺器

及敗貶隴州朝隱崖州並參軍事之間逃歸洛陽匿張仲之家會武三思復用事仲之與王同皎謀殺三思安王室之禍得其實令兄子曇與冉祖雍上急變因丐贖罪繇是擢鴻臚主簿天下醜其行景龍中遷考功員外郎諂事太平公主故見用及安樂公主權盛復往諧結故太平深嫉之中宗將用爲中書舍人太平發其知貢舉時賅餉狼藉下遷汴州長史未行改越州長史頗自力爲政窮歷剡溪山置酒賦詩流布京

師人人傳諷睿宗立以儉險盈惡詔流欽州祖雍歷中書舍人刑部侍郎倡飲省中爲御史劾奏貶蘄州刺史至是亦流嶺南並賜死桂州之問得詔震汗東西步不引決祖雍請使者曰之問有妻子幸聽訣使者許之而之問荒悖不能處家事祖雍怒曰與公俱負國家當歿柰何蓬回邪乃飲食洗沐就死祖雍江夏王道宗甥及進士第有名于時魏建安後汜江左詩律屢變至沈約庾信以音韻相婉附屬對精密及之問

沈佺期又加靡麗回忌聲病約句準篇如錦繡成文學者宗之號爲沈家語曰蘓李居前沈宋比肩謂蘇武李陵也初之問父令文富文辭且工書有力絕人世稱三絕都下有牛善觸人莫敢撻令文直往拔取角折其頸殺之旣之問以文章起其弟之悌以躋勇聞之慙精草隸世謂皆得父一絕之悌長八尺開元中歷劔南節度使太原尹嘗坐事流朱鷲會蠻陷驩州授總管擊之募壯士八人被重甲大呼薄賊曰徭動卽歿賊七百人皆伏不能興遂平賊之慙爲連州參軍刺史聞其善歌使教婢日執笏立簾外唱吟自如

在江南贈宋五之問

唐駱賓王

井絡雙源濬潯陽九派長淪波通地穴輪委下
歸塘別島籠朝蜃連洲擁夕漲韞珠澄積潤讓
璧動浮光浮光凝折水積潤疎圓吐玉輪涵地
開劍匣連星起風烟標迴秀英靈信多美懷德
踐遺芳端操慙謀已謀已謬觀光牽迹強恓惶
揆拙迷三省勞生昧兩忘彈隨空被一作笑獻
楚自多傷一朝殊默語千里易炎涼炎涼幾遷
貿川陸疲臻湊積水架吳濤連山橫楚岫風月

宋學士集
雖殊昔星河猶是舊姑蘇望南浦邛邛通北走
北走平生親南浦別離津瀟湘一超忽洞庭多
苦辛秋江無綠芷寒汀有白蘋采之將何遺故
人漳水濱漳濱已遼遠江潭未旋返爲聽短歌
行當想長洲苑露金薰菊岸風珮搖蘭坂蟬鳴
稻葉秋鴈起蘆花晚晚秋雲日明亭臯風露清
獨負平生氣重牽搖落情占星非聚德夢月詎
懸名寂寥傷楚奏淒斷泣秦聲秦聲懷舊里楚
奏悲無已郢路少知音叢臺富竒士溫輝凌凌
日壯氣驚寒水一顧重風雲三冬足文史文史
盛紛綸京洛多風塵猶輕五車富未重一囊貧
李仙非易託蘇鬼尚難因不惜勞歌盡誰爲聽
陽春

在兖州餞宋五之問

唐駱賓王

淮沂泗水地梁甫汶陽東別路青驪遠離樽綠
蟻空柳寒凋密翠棠晚落疎紅別後相思曲棲
斷入琴風

送宋五之問得涼字

唐駱賓王

願言遊泗水支離去二漳道術君所篤筌蹄余
自忘雪威侵竹泠秋爽帶池涼欲驗離襟切岐
路在他鄉

同宋叅軍之間憂趙六贈盧陳二子之作

唐陳子昂

曉霽望嵩丘白雲半巖足氛氲涵翠微宛如瀛
臺曲故人昔所尚幽琴歌斷續變化竟無常人
琴遂兩亾白雲失處所夢想曉容光疇昔疑緣
業儒道兩相妨前期許幽報迨此尚茫茫晤言

既已失感歎情何一始憶携手期雲臺與峨眉
達兼濟天下窮獨善其時諸君推管樂之子慕
巢夷柰何蒼生望卒爲黃綬歎銘鼎功未立山
林事亦微撫孤一流慟懷舊日睽違盧子尚高
節終南卧松雪宋侯逢聖君驟馭遊青雲而我
獨躑躅語默道猶屯征戍在遼陽蹉跎歲再黃
丹丘恨不及白露已蒼蒼遠聞山陽賦感涕下
沾裳

廣陵送別宋員外佐越鄭舍人還京

唐 述

朱紱臨秦望皇華赴洛橋文章南渡越書奏北
歸朝樹入江雲盡城銜海月逢秋風將客思川
上晚蕭蕭

宋主簿鳴臯夢趙六予未及報而陳子云
亡今追爲此詩答宋兼貽平昔遊舊

唐 盧藏用

暮川罕停波朝雲無留色故人琴與詩可存不
可識心尚可親琴詩非故人鳴臯初夢趙蜀國

已悲陳感化傷淪滅魂交惜未申冥期失幽報
茲理復今晨前嗟成後泣已矣將何及舊感與
新悲虛懷酬昔時越侯鴻寶氣獨負青雲姿羣
有含沙識衆象懸清機雄談盡物變精義解人
願在陰旣獨善幽躍自爲疑踈彼千里足傷哉
一尉欺陳生富清理卓犖兼文史思縟巫山雲
調逸岷江水鏗鏘哀忠義感激懷知己負劍登
薊門孤遊入燕市浩歌去京國歸守西山趾幽
居探元化立言見千祀埋沒經濟情良圖竟云

已坐憶平生遊十載懷嵩丘題書滿古壁採藥
遍巖幽子微化金鼎僊笙不可求榮哉宋與陸
名宦美中州存亾一睽阻岐路方悠悠自予事
山海及茲人世改傳聞當世榮皆入古人名無
復平原賦空餘鄰笛聲泣對西州使悲訪北邙
塋新墳蔓宿草舊闕毀殘銘爲君成此曲因言
寄友生默語無窮事凋傷共此情

集評

李嶠崔融薛稷宋之問之文如良金美玉無施
不可

張燕公

沈宋爲有唐律詩之龜鑑情深興遠語麗姿多
真射雕手使曹劉降格爲之吾未知其孰勝

僧改

然詩評

五言至沈宋始可稱律二君正是敵手辨律用
韻穩妥事不傍引情無牽合當爲最勝

明王世貞

遺事

景龍二年中宗幸

昆明

賦詩羣臣應制百餘篇帳

殿前結綵樓命上官昭容選一篇爲新翻御製
曲從臣悉集其下須臾紙落如飛各認其名而
懷之惟沈宋二詩不下移時一紙飛墜競取而
觀乃沈詩也及聞其評曰二詩王力悉敵沈詩
落句詞氣已竭宋詩猶隄健舉佞期遂服不敢
復爭

大薦福寺應制是日鄭愔詩先成之間後進中

宗命昭容上官氏差第甲乙以之間二詩爲冠

88



